

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KTPO 0061851 24
Zenica, 11.03.2026. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka i) u vezi sa članom 241. Zakona o krivičnom postupku
FBiH, p o d i ž e m

O P T U Ž N I C U

Protiv:

K. E., ...,

Što je:

Za godinu 2018., 2019. i 2021., u Tešnju, za sebe izbjegao plaćanje davanja propisanih poreznim zakonodavstvom u Federaciji od samostalne djelatnosti i to na način da nije podnosio godišnje porezne prijave u skladu sa članom 36. stav (1) Zakona o porezu na dohodak Federacije BiH o ostvarenim prihodima u 2018., 2019. i 2021. godini, a iznos obaveza čije se plaćanje izbjegava prelazi godišnji iznos od 10.000,00 KM, iako je znao i bio svjestan svojih radnji, što je i htio, pa je tako ostvario prihod prilivom na svoje račune koje je imao otvorene u bankama u Federaciji BiH i to: koddevizni račun broj: ... za ex partija u ... -devizni račun broj: ..., kod ...-tekući račun broj: ... i depozitni račun broj: ..., kod-tekući račun broj: ... i depozitni/štedni račun broj: ..., u Republici Srpskoj kod ...-tekući račun broj: ..., te ... račun fizičkog lica u stranoj valuti broj: ... i depozit za registraciju preduzeća-osnivač i ulog broj: ..., te putem ... i ..., pa je tako za godinu 2018. imao priliv novčanih sredstava u iznosu od 303.229,78 KM, u 2019. godini iznos od 207.878,51 KM i u 2021. godini iznos od 174.953,46 KM, što ukupno iznosi 686.061,72 KM, i predstavlja poreznu osnovicu poreznog obveznika K. E., te je na taj način ostvario prihode za sebe, na koje nije podnio prijave, obračunao i uplatio porez na dohodak po poreznoj stopi od 10%, kako je to propisano članom 9. Zakona o porezu na dohodak FBiH, od navedene porezne osnovice, u ukupnom iznosu od 68.606,17 KM, i to za 2018. godinu u iznosu od 30.322,97 KM, za 2019. godinu u iznosu od 20.787,85 KM i za 2021. godinu u iznosu od 17.495,34 KM, te na taj način pričinio štetu budžetu Zeničko-dobojskog kantona u iznosu od 68.606,17 KM,

Čime je učinio krivično djelo porezne utaje iz člana 273. stav 2. u vezi sa stavom 1. Krivičnog zakona Federacije Bosne i Hercegovine.